

廣雅疏證卷第十上

引之述

釋草

藁蘇白荅也

南山經云、侖者之山有木焉、其狀如穀而赤理、其汁如漆、其味如飴、食者不飢、可以釋勞、其名曰白荅、郭注云、或作皋蘇、皋蘇一名白荅、見廣雅、案白荅木名而入釋草者、方言云、蘇、芥草也、白荅草類、故一名皋蘇、特其狀如穀而赤理、因又以爲木耳、侖者之山有木焉、其狀如穀而赤理、其名曰白荅、猶中山經、藁山草類、藁蘇荅三字皆從艸、足以明之矣、玉篇云、白荅草、食之不飢、亦與廣雅同、藝文類聚引張協都蔗賦云、皋蘇妙而不逮、何況沙棠與柳實、皋蘇味如飴、故以比甘蔗也、高誘注淮南精神訓云、勞、憂也、藁蘇解憂忿、故曰可以釋勞、初學記引王朗與魏太子書云、

廣雅疏證  
奉讀歡笑以藉飢渴雖復萱草忘憂皋蘇釋勞無以  
加也應瑒報龐惠恭書云雖萱草樹背皋蘇在側悒  
忿不逞祇以增毒徐陵玉臺新詠序云代彼萱蘇蠲  
茲愁疾皆其證也至說文云葍葛屬也白華玉篇云  
葍草名其實似瓜食之治  
瘡則與廣雅異同未審

# 芷藜蕨也

爾雅藜月爾郭注云卽紫藜也似蕨可食後漢書馬  
融傳云芷其芸菹芷與紫同其與藜同又爾雅蕨  
注云廣雅云紫藜非也初生無葉可食江面謂之鼈  
案草木鳥獸同類者亦得同名紫藜蕨之類也齊民  
要術引詩義疏云蕨山菜也初生似蒜莖紫黑色洞  
冥記云元草黑蕨又云紫莖寒蕨謝靈運酬從弟惠  
連詩山桃發紅萼野蕨漸紫苞則蕨亦紫色故紫藜  
謂之蕨也鄭樵爾雅注云藜今謂之藜蕨似蕨而大  
可食羅願爾雅翼云蕨生如小兒拳紫色而肥今野  
人今歲焚山則來歲蕨菜繁生其舊生蕨之處蕨菜  
老硬敷披人誌之謂之蕨基廣雅云蕨紫其基豈其  
之轉邪戴侗六書故云蕨紫其也生山中其有蕨其

有狼莧、蕨、其初出土，紫色，拳如小兒手，可食。李時珍本草云：紫莧似蕨，有花而味苦，謂之迷蕨。初生亦可食，是紫莧稱蕨後世方俗語猶然也。

### 蕨蓐也

說文：蕨，草也。繫傳引字書云：黃蕨草也。玉篇：黃蓐，草名。蕨，香草。集韻：草也。廣韻：草，香草。集韻：草，鬱，香草。房久切。黃蓐，草鬱，未知孰為蕨也。

### 王白蕨也

未詳

### 蕨蓐也

說文：蕨，菜也。玉篇：蕨，菜也。張衡南都賦：其園圃則有蓐蕨、蕨荷、李善注引風土記云：蕨，香菜。根似茆，根可食。左思蜀都賦：樊以蕨圃。劉人所謂蕨，香，蕨與蓐同。後漢書馬融傳：芷、蕨、芸、蕨、李賢注云：其根似茅，根可食。左思蜀都賦：樊以蕨圃。劉





# 抽蔕地榆也

抽玉篇云、抽蔕菜也、名醫別錄云、地榆生桐柏及免  
句山谷、陶隱居注云、葉似榆而長、初生布地、其花子  
紫黑色如鼓、故名玉札、北方難得、故尹公度曰、寧得一斤地  
榆、不用明月珠、其實黑如鼓、北方呼鼓爲札、當言玉  
鼓、此草霧而不濡、太陽氣盛也、鑠玉爛石、其根作飲  
其汁釀酒、又引廣志云、地榆可生食、梁元  
帝元覽賦金鹽玉鼓、堯韭舜榮、謂此矣、

# 莢蒿蘆蒿也

爾雅莢蒿、蘿郭注云、今莢蒿也、亦曰蘆蒿、說文莢蒿、  
屬苾蒿屬也、苾與蘆同、小雅菁菁者莢、傳云、莢、蘿蒿  
也正、義引義疏云、莢蒿也、一名蘿蒿、生澤田、漸洳之  
處、葉似邪蒿而細、科生、三月中、莖可生食、又可蒸香  
美、味頗似萑蒿、陳藏器本草拾遺云、蘆蒿生高岡、宿  
根先於百草、一名莢蒿、如詩疏及本草拾遺所說莢  
蒿之形、蓋茵陳之類也、名醫別錄云、茵陳蒿生大山  
及邱陵坂岸上、陶注云、似蓬蒿而葉緊細、莖冬不

春又生、本草拾遺云、經冬不殞、至春更因舊苗而生新葉、故名茵陳、二者相近矣、

蘭蘭也

鄭風溱洧篇、方秉蘭兮、陳風澤陂篇、有蒲與蘭、傳竝云、蘭、蘭也、神農本草云、蘭、草主殺蠱毒、辟不祥、通神明、案鄭風正義引義疏云、蘭、卽蘭香草也、莖葉似澤蘭、廣而長、節藏衣、著書中、辟白魚、是其殺蠱毒也、初學記引韓詩章句云、鄭國之俗、三月上巳、於溱洧兩水之上、招魂續魄、秉蘭拂除、不祥之故、周官女巫、巫掌歲時祓除釁浴、注云、歲時祓除、如今三月上巳、如水爲沐浴也、楚詞九歌、浴蘭湯兮沐芳、王逸注云、言己將修饗祭、以事雲神、乃使靈巫先浴蘭湯、沐香芷、以自絜清也、是其辟不祥、通神明也、蘭、或爲蕹、蘭、或爲蓮、衆經音義卷二引字書云、蕹與蘭同、蕹、蘭也、又引說文云、蕹、香草也、卷十二引聲類云、蕹、蘭也、又引說文云、香草也、今本說文、蕹、草出吳、林山、脫去香字耳、廣韻、蕹、香草、卽本說文、中山經云、吳、林之山、多蕹草、青要之山、有草焉、其狀如蕹、其本如藁、本、洞庭之山、

其草多蕞蘼蕪芍藥芎藭以蕞與蘼本蘼蕪芍藥芎  
藭竝言之其爲香草明矣郭璞以蕞爲菅云似茅恐  
非也說文芎藭蘭蕞四字連文別出茅菅二字於後  
則蕞與蘭同不與菅同矣是蘭通作蕞也管子地員  
篇五粟之土五臭生之薜荔白芷蘼蕪椒蓮五沃之  
上五臭疇生蓮與蘼蕪蘼本白芷是蘭通作蓮也詩  
溱洧釋文引韓詩蘭蓮也御覽引韓詩章句云蘭  
也初學記引韓詩章句云秉蘭拂除不祥之故皆借  
蓮爲蘭澤陂箋云蘭當爲蓮芙蕖實也云當爲蓮而  
不云蘭蓮也則以蘭之本字不訓爲蓮藕之蓮故必  
破字耳

## 類牙蔽也

廣韻蔽茅類類草名似蒲一云似茅爾雅類蕭董郭  
注云似蒲而細邢昺疏云可爲屨亦可絢以爲索說  
文董蕭董也杜林曰藕根徐鍇傳云似蒲而細今人  
以織屨而京賦草則葳莎菅蔽李善注引聲類云蔽  
草中爲索玉篇同成九年左傳雖有絲麻無棄菅蔽  
正義云陸機毛詩疏菅似茅滑澤無毛筋宜爲索蔽

亦菅之類喪服傳云疏屨者蓆蔽之菲也。可以爲屨並可代絲麻之乏。然則蔽爲索爲屨與藟同。是一物也。遼釋行均龍龕手鑑云藟草一名鼎童似鳥尾可食。

廉薑葍也

說文葍薑屬可以香口字或作綏士喪禮記茵箸用茶實綏澤焉注云綏廉薑也取其香且御淫或作浚鹽鐵論散不足篇云浚苳蓼蘇或作菱劉逵吳都賦注引異物志云菱一名廉薑生沙石中薑類也其累大辛而香削皮以黑梅并鹽汁漬之則成也始安有之或作菱潘岳閒居賦云蓼菱芬芳御覽引劉楨清慮賦云俯拔廉薑又引此作族葍廉薑也齊民要術同

草蒿青蒿也

爾雅蒿藋郭注云今人呼青蒿香中炙啗者爲藋小雅鹿鳴篇食野之蒿正義引義疏云蒿青蒿也荊豫之閒汝南汝陰皆云藋也神農本草草蒿一名青蒿一名方潰陶隱居注云卽今青蒿人亦取雜香菜食



之蜀本圖經云、葉似茵陳蒿而背不白、高四尺許、江東人呼爲玃蒿、爲其臭似玃、北人呼爲青蒿、

## 枸乳苦杞也

爾雅杞、枸、檣、郭注云、今枸杞也、枸與枸同、字從木、各本譌從才、玉篇云、枸、枸杞也、本作枸、集韻、枸、或作枸、引廣雅、枸乳、苦杞也、今訂正、小雅四牡篇、集于苞杞、正義引義疏云、杞、其樹如檣、一名苦杞、春生可作羹、茹、微苦、神農本草云、枸杞味苦寒、陶隱居注云、葉可作羹、味小苦、蘇頌圖經云、俗謂之甜菜、案今世亦謂之甜菜、初食味苦、苦杞之名、起於此矣、御覽引吳晉本草云、枸杞、一名羊乳、蓋其下垂似之、詩義疏云、枸杞子、秋熟、正赤、蘇頌本草圖經云、六月七月生、小紅花、隨便結紅實、形微長如棗、核案今江淮間謂之狗嬭子、狗、枸同聲、嬭、卽乳也、玉篇、嬭、乳也、

## 游冬苦菜也

月令云、孟夏苦菜秀、呂氏春秋任地篇云、日至苦菜外、亦單謂之苦、唐風采苓篇云、采苦采苦、公食大夫

禮云、銅莖羊苦、鄭注云、苦、苦茶也、內則云、濡魚、包苦  
實蓼、又謂之茶、爾雅、茶、苦菜、邛風、谷風篇云、誰謂茶  
苦、其甘如薺、豳風、七月篇云、采茶薪樗、食我農夫、大  
雅、緜篇云、萑茶如飴、神農本草云、一名茶草、一名選  
名醫別錄云、一名游冬、生山陵道旁、冬不凋、桐君藥  
錄云、三月生、扶疏、六月花、從葉出、莖直、花黃、八月實  
黑、實落、根復生、冬不枯、則游冬之名、其取諸此乎、顏  
氏家訓云、禮云、苦菜秀、案易、統通卦、驗元圖曰、苦菜  
生於寒秋、更冬歷春、得夏乃成、今中原苦菜則如此  
也、一名游冬、葉似苦苣而細、摘斷有白汁、花黃似菊  
江南別有苦菜、葉似酸漿、其花或紫或白、子大如珠  
熟時或赤或黑、此菜可以釋勞、案郭璞注爾雅、此乃  
識黃蔕也、今河北謂之龍葵、梁世講禮者以此當苦  
菜、旣無宿根、至春子方生耳、亦大誤也、又高誘注呂  
氏春秋曰、榮而不實曰英、苦菜當言英、益知非龍葵  
也、爾雅釋文云、茶、苦菜、在釋草篇、本草爲菜上品、陶  
宏景乃疑是茗、失之矣、釋木篇、檟苦茶、乃是茗耳、案  
顏陸二家之辨、皆得其實、程先生易疇通蓺錄云、苦  
菜有二種、一種爲苦蕒、一種北方人呼爲蘘蕒菜也、  
苦蕒八九月生者、葉皆從根出、不生莖、斷之有白汁、

其味苦、春生者、四月中抽莖作花、月令孟夏苦菜秀是也、花黃如菊、其鄂作苞、花英之本藏苞中、一英下一子、子末生白毛如絲、英落苞開、子末之白毛乃見數以萬計、形圓如球、所謂茶也、鹽鐵論云、秦法繁于秋茶、苦菜之茶生於秋者、一花之趺多、以萬計、洵爲繁矣、蓐蕒菜七月生者有幹、其葉節節臺生、數葉後又生岐莖、花如苦蕒苞開、白如球、八九月猶盛開、其子有形而不實、引之案南方人呼苦蕒菜者、確如此說、至北方人說蓐蕒菜、宿根經冬不殞、斷其莖有白漿、取其葉和醬食之、或和餒、皆可、其味苦、四五月花黃如菊、九月方止、不結子、亦無白毛、高誘注呂氏春秋孟夏紀、謂苦菜榮而不實、殆謂是與、

### 秦姑艾但鹿何澤鞠也

陶隱居注別錄杉材云、秦姑葉細細、多生石邊、療秦瘡、陳藏器本草拾遺云、秦姑如鼠跡大、生階墀閒陰處、氣辛烈、主秦瘡、又本草蜀羊泉、唐注云、此草俗名秦姑、葉似菊花紫色、子類枸杞子、根如遠志、主療秦瘡、餘

未詳

廣雅疏證 卷第十一 六  
莖羊躑也

莖有二、一爲蒴藿、鳥頭之類也、爾雅云、蒴、莖草、郭注云、卽鳥頭也、江東呼爲莖、名醫別錄云、蒴藿有毒、一名莖草、一名蒴、說文繫傳引字書云、蒴藿一名莖、玉篇、蒴藿有五葉、莖、一名蒴、廣韻、蒴、鳥頭別名、或作蒴、莖、蒴藿別名、集韻、蒴、莖草也、通作蒴、蒴、草名、蒴藿也、是蒴藿名莖名蒴、又名莖也、一爲羊躑、小雅我行其野篇言采其蒴、傳云、蒴、惡菜也、齊民要術引義疏云、今羊躑似蘆菔莖赤煮爲茹、滑而不美、多噉令人下痢、幽州謂之羊躑、揚州謂之蒴、一名蒴、躑與躑同、爾雅、蒴、蒴藿、蓋卽蒴、一名蒴者、集韻、莖、或作蒴、通作蒴、羊躑也、詩釋文、蒴、本又作蒴、神農本草、羊躑、一名東方宿、一名連蟲陸、一名鬼目、名醫別錄云、一名蒴、陶隱居注云、今人呼爲禿菜、卽是蒴、音之誤、引詩云、言采其蒴、更有一種味酸者、齊民要術引字林云、蒴似冬藍、蒸食之、酢、陶隱居注、本草、羊躑云、又一種極相似而味醋、呼爲酸摸、本草拾遺云、酸摸、葉酸美、人亦折食其英、葉似羊躑、是山大黃、一名當藥、爾雅、須、蒴藿、郭注云、似羊躑、葉細、味酢可食、是羊躑、一種名蒴、遂名



蓄一種名煇蕪名酸摸而總謂之莖也名醫別錄云  
蒴藿有毒生田野羊蹄無毒生川澤寇宗奭本草衍  
義云蒴藿花白子如綠豆羊蹄花青白子三棱二者  
各殊玉篇云莖一名慈又云似冬藍食之醋則是合  
蒴藿羊蹄爲一物誤矣

## 牛莖牛薊也

神農本草牛薊一名百倍名醫別錄云生河內川谷  
及臨朐陶隱居注云今出近道蔡州者最長大柔潤  
其莖有節似牛薊故以爲名也乃云有雌雄雄者莖  
紫色而節大爲勝爾御覽引吳普本草云牛薊生河  
內或臨邛葉如夏藍莖本赤又引廣雅牛莖牛薊也  
各本莖譌作莖今訂正廣韻莖竝戶耕切說文輕  
牛薊下骨也牛莖之名殆取此義與抱朴子黃白  
篇云俗人見方用鼠尾牛薊皆謂之血氣之物也

## 鬻耳馬莧也

鬻卽豚字神農本草莧實一名馬莧陶隱居注云今  
馬莧別一種布地生實至微細俗呼爲馬齒莧亦可

食小酸恐非莧實也顏氏家訓云馬莧堪食亦名豚耳俗曰馬齒江陵有一僧面形上廣下狹劉緩幼子云似馬莧是其狀矣李時珍云馬齒莧大葉者俗呼爲狔耳草小葉者爲鼠齒草狔與豚同

# 印昌陽菖蒲也

說文菖昌蒲也菖菖菖也菖與印同亦作菖玉篇菖五唐切菖蒲也菖語兩切草生池水邊廣韻菖五剛切菖蒲別名又魚兩切集韻菖語兩切菖蒲也或作菖神農本草菖蒲久服輕身不忘不迷惑延年一名昌陽陶注云今處處有生石磧上概節爲好生下濕地大梔者名昌陽此藥甚去蟲并蚤蝨藝文類聚引吳普本草云菖蒲一名堯韭一名昌陽亦作昌羊淮南說林訓云昌羊去蚤蝨而來蚡窮高誘注云昌羊昌蒲也名醫別錄云白昌一名水宿一名莖蒲陳藏器云一名昌陽生水畔人亦呼爲菖蒲與石上菖蒲別梔大而臭一名水菖蒲案此與陶注生下濕地梔大者名昌陽正合但本草經及吳普本草並云菖蒲一名昌陽恐俱是大名不分水石也且管子地員篇云山之上其草蘄白昌又云其山之旁有彼黃芑及

彼白昌似生石上者亦名白昌也周官醢人朝事之  
豆其實昌本鄭注云昌蒲根也公食大夫禮醢昌  
本注云昌本昌蒲本菹也僖三十年左傳饗有昌歎  
杜注云昌蒲菹也韓非子難篇文王嗜菖蒲菹呂氏  
春秋任地篇冬至後五旬七日  
昌始生昌者百草之先生者也

## 攣夷芍藥也

攣夷卽畱夷畱攣聲之轉也張注上林賦云畱夷新  
夷也新與辛同王逸注楚詞九歌云辛夷香草也郭  
璞注西山經云芍藥一名辛夷亦香草屬然則鄭風  
之勺藥離騷之畱夷九歌之辛夷一物耳毛詩溱洧  
傳云勺藥香草御覽引義疏云今藥草勺藥無香氣  
非是也未審今何草司馬相如賦云勺藥之和揚雄  
賦曰甘晧之和勺藥之羹然則勺藥人人食之也案  
西山經云繡山其草多芍藥中山經句櫛之山條谷  
之山洞庭之山竝云其草多芍藥則芍藥山草名醫  
別錄云芍藥生中岳川谷及邱陵陶注云出白山蔣  
山茅山最好白而長大餘處多赤與山經合則古之  
芍藥卽醫家之藥草芍藥也今人畦種之離騷所謂

畦畱夷者矣其根莖及葉無香氣而花則香故毛詩謂之香草猶蘭爲香草亦是花香莖葉不香也至司馬相如子虛賦勺藥之和揚雄蜀都賦甘恬之和勺藥之羹皆是調和之名陸氏引以證勺藥之草誤也伏儼注子虛賦云勺藥以蘭桂調食文穎云勺藥五味之和也韋昭云勺藥和齊鹹酸美味也勺丁削反藥旅酌反晉灼云南都賦曰歸雁鳴鷄香稻鮮魚以爲勺藥酸恬滋味百種千名文說是也李善云枚乘七發云勺藥之醬然則和調之言於義爲得今案勺丁削反藥旅酌反勺藥之言適歷也適亦調也說文𦉰字從𦉰𦉰云𦉰調也與𦉰同又云秣希疏適歷也讀若歷周官遂師注云𦉰者適歷執紼者名也疏云分布希疏得所名爲適歷也然則均調謂之適歷聲轉則爲勺藥蜀都賦云有伊之徒調夫五味甘恬之和勺藥之羹七命云味重九沸和兼勺藥論衡譴告篇云釀酒於罌烹肉於鼎皆欲其氣味調得也時或鹹苦酸淡不應口者由人勺藥失其和也稽康聲無哀樂論云大羹不和不極勺藥之味皆其證矣服虔注子虛賦列或說云以勺藥調食亦未嘗審信也而顏師古乃云勺藥草名其根土和五藏又辟毒氣故合



之於蘭桂五味以助諸食、因呼五味之和爲勺藥、及考古人飲食、未聞有用勺藥者、旣已無可舉證矣、乃云、今人食馬肝馬腸、合勺藥而煮之、是古之遺法、據其說、則今人非食馬肝馬腸、且不用芍藥、何以知古  
人用勺藥助食乎、然且歷詆諸家妄爲音訓、斯爲謬矣

## 薪蓂馬辛也

爾雅、薪蓂、大薺、郭注云、似薺葉細、俗呼之曰老薺、神農本草云、薪蓂子味辛微溫、一名蔑析、一名大戢、一名馬辛、名醫別錄云、一名大薺、生咸陽川澤及道傍、陶注云、今處處有之、人乃言是大薺子、呂氏春秋任地篇、孟夏之昔、殺三葉而穫大麥、高誘注云、昔、終也、三葉、薺亭歷薪蓂也、是月之季、枯外、大麥熟而可穫、月令謂之靡草、孟夏之月、靡草外、麥秋至、卽所謂殺三葉而穫大麥也、鄭注引舊說云、靡草、薺亭歷之屬、正義云、以其枝葉靡細、故云靡草、依爾雅注、則薪蓂之葉、又細于薺也、張衡南都賦云、其園圃則有薪蓂、

芋、  
瓜、